



**АКАФИСТ  
ПРЕПОДОБНОМУ ВЕНЕДИКТУ**

**АКАФИСТ ПРЕПОДОБНОМУ  
ОТЦУ НАШЕМУ ВЕНЕДИКТУ,  
ИУРСЬКОМУ ЧУДОТВОРЦУ**

**Издательство „Жизнь с Богом”.  
Editions «La vie avec Dieu».  
206, Avenue de la Couronne Bruxelles 5  
Брюссель, 1962.**





*Преподобный Венедикт.*






## **КРАТКИЕ СВЕДЕНИЯ О ЖИТИИ ПРЕП. ВЕНЕДИКТА.**

*Преподобный Венедикт, Основатель западного монашества, родился около 480 г. в Норча (древняя Нурсия) в зажиточной семье патрициев, о которой мы имеем мало данных. Известно, что у него была сестра, по имени Схоластика, которая с самых юных лет посвятила себя Богу, приняв монашество.*

*Брат же ее Венедикт, окончив свое элементарное обучение в Норча, был послан родителями в Рим для высшего образования.*

*Будучи сязмала склонен к благочестию и добродетели, он вскоре понял, сколько опасностей было для его души среди легкомысленной молодежи Рима, привыкшей к роскошной и изнеженной жизни, — и движимый желанием послужить Единому Богу, покинул украдкой ро-*

*дательский дом и бежал в сопровождении своей преданной мамки, в селение Аффиле. Но в нем он не остался долго : стремясь к полному уединению для молитвенного подвига, который не-*



**Монастырь на Монте Кассино,  
отстроенный после разрушения  
во время второй Великой войны**

*удержимо привлекал его, он уже один удалился в дикую и скалистую местность, где между крутых утесов протекает горный поток Аниене. пе-*

ресекая три искусственных озера Нерона, откуда эта местность получила название Субиако, т. е. под озером. Монастырь (Сакро Спеко), который как бы висит на почти отвесной скале и потому напоминает ласточкино гнездо, является колыбелью Бенедиктинского ордена. Он построен на месте пещеры, в которой Преподобный подвизался три года, в полнейшем одиночестве. Один монах, по имени Роман, из монастыря по близости, указавший ему эту пещеру, спускал ему сверху по веревке более чем скудное пропитание, которое он уделял ему от своего монастырского пайка.

Много нашему святому юноше пришлось бороться с унынием, и различными искушениями, терпя ненастье и лишения всего самого нужного для жизни, даже наиболее подвижнической. Но через эту духовную брань он приобрел опыт, пригодившийся ему впоследствии для ведения многих по пути самоотречения и молитвенного созерцания.

По истечении трех лет его уединенное местожительство было открыто: сначала одним священником, посетившим его по внушению свыше, затем полудикими пастухами, бродившими по близости пещеры, и принявшими его издали за некое лесное животное. Убедившись же в своей ошибке, они приблизились к преподобному

юноше и с тех пор, привлеченные его добротой и кротостью приходили к нему принося ему провизию, получая от него взамен духовные советы и наставления. Мало по малу слух о его подвигах и святости распространился по всем окрестностям, и уже не только пастухи, но и многие, желающие вести ангельский образ жизни в монашестве под руководством Преподобного, стали стекаться к нему. Видя, что число учеников растет, он избрал для нового общежития покинутую виллу императора Нерона, расположенную вблизи верхнего озера. Таким образом было положено начало общежительной обители, которая в настоящее время называется: «Протокиновием Св. Схоластики», лежащей ниже Сакро Спеко, над озером. Желающие подвизаться продолжали стекаться к Святому из разных областей и разного возраста и сословия и постепенно число возникших вокруг монастырей дошло до 12-ти.

В то же самое время, слава о святости и даре чудотворений Св. Венедикта росла все больше и больше, что не могло не вызвать особую вражду темных сил и зависть некоторых недостойных людей, начавших всякими способами преследовать и чернить великого Подвижника и его братию. Видя невозможность жить в Субиако в мире и безопасности, он решил переселиться с братьями на Монте Кассино, оставив свои вновь основанные монастыри под управлением

отдельных настоятелей. На высоком холме Монте-Кассино в то время еще находились языческие капища. По свержении идолов и разрушении храмов, на том месте была построена монахами новая обитель. Но сатана и здесь не оставил борьбу с Преподобным Отцом и даже умножил свои нападки, стараясь отомстить за нанесенные ему поражения. В конечном результате и это послужило к большому проявлению власти, дарованной ему Богом против адских сил, так как во многих случаях одним знаком креста им были разрушены козни дьявола и исцелены бесноватые.

Нет числа чудесам Святого Венедикта : он прозрел будущее, читал мысли людей, воскресил мертвых. Подобно Сергию Радонежскому, кормившему медведя в лесу, он делил свой хлеб с вороном, прилетавшим к нему каждый день в обеденное время. Про него написал его агиограф Св. Григорий Двоеслов, что « он в некоторых своих чудесах уподобился Моисею, в других — Пророку Илье, Елисею и Апостолу Петру, будучи преисполнен духовными дарами всех остальных праведников взятых вместе. »

Написанный им Устав монашеского жития, сам по себе является не только памятником его личной святости, но и настоящим чудом благочестия, мудрости и ясности, несмотря на 14 истекших веков он до сих пор не потерял своей свежести и современности.

Преподобный Отец предсказал задолго день своей кончины. Заболев, поддерживаемый своими монахами, он направился в церковь, причастился Св. Таин и стоя, с простертыми руками, отдал свой дух Богу.

Точный год его кончины неизвестен, но предполагают, что это было в 547 году. Мощи его покоятся в Монте-Кассино.

Память Святого у нас на востоке празднуется 14-го марта.



### Кондак 1-ый.

Возбранный Отче Преподобне, тобою бо Христос яко светом неугасимым мир просвети и расточи тмы вражия. Таковому о тебе смотрению дивящися, хвалим тя, яко заступника от всяких бед, благодарственно зовуще : Радуйся Венедикте, Нурсийский Чудотворче.

### Икос 1-ый.

Ангельский образ жития возлюбивый от юности, в место пусто бежал еси суетнаго мира, поправый вся прелести его и вперивый к горнему ум твой, силам безплотным собеседник явивыйся; с ними же и мы воспоем ти :

Радуйся, Христу распеньшемуся последовавый; радуйся, умертвивыйся миру, Богу единому жити восхотевый.

Радуйся, слез теченьми пустыню оросивый; радуйся, восхождением сердца победивый лукавья.

Радуйся, славу мира сего возненавидевый; радуйся, пощением, яко ангел показавыйся.

Радуйся, целомудрия венцем от юности  
увязанный; радуйся, яко крин чистоты  
прозябший.

Радуйся, на камени дом свой постави-  
вый; радуйся, бисер многоценный Цар-  
ствия обретший.

Радуйся, смирение Христово воспри-  
явший; радуйся, древо жития райскаго  
явивыйся.

Радуйся Венедикте, Нурсийский Чудо-  
творче.

### *Кондак 2-ой.*

Видев тя, яко столпа богоразумия,  
древний змий покусися сокрушити тя,  
но ты многими подвиги плоть умертви-  
вый, наказал еси ны пети с упованием :  
Аллилуия.

### *Икос 2-ой.*

Разума горняго преисполнен и благо-  
датию, аки ризою одеявся в немощи, со-  
брал еси множество пети Господа. С ними  
же и мы, яко звезду всемирну возсиявшу

на Церковной тверди, восхвалим тя, поюще :

Радуйся, нечестия державу разоривый; радуйся, смрадную лесь бесовскую прогнавый.

Радуйся, даров духовных исполненный от младости; радуйся, миро божественных вещаний источивый.

Радуйся, крест Христов восприемый; радуйся, крепостью Его опоясанный.

Радуйся, стадо твое от волков мысленных спасающий; радуйся, поющих Господа наставниче премудрый.

Радуйся, кротости кладезе глубокий; радуйся, немощным помощниче предобрый.

Радуйся, Царствия Божия делателю верный; радуйся, недужных целителю независтный.

Радуйся, Венедикте, Нурсийский Чудотворче.

### *Кондак 3-ий.*

Силою вышнею, аки древле Илия дождь с небес низвел еси и елей людем

твоим умножил еси, показуя милосердие  
Божие простерто на ны и наставляя  
светло звати : Аллилуия.

*Икос 3-ий.*

Имущаго силу духи темныя отгоняти,  
како достойно восхвалим тя, Венедикте,  
яко и одержимыя от бесов свободил еси  
и мертвыя воздвигнул еси. Тем же мы  
тя ублажаем, поюще :

Радуйся, идольския лести корнесека-  
телю; радуйся, святаго благочестия наса-  
дителю.

Радуйся, мрак неведения отгнавый;  
радуйся, яко звезда златозарная просия-  
вый.

Радуйся, многотерпения сосуде избран-  
ный; радуйся, милостию Божией укра-  
шенный.

Радуйся, всякия суеты отметавайся;  
радуйся, Богу весь соединивыйся.

Радуйся, нищелюбием украсивыйся ;  
радуйся, недуги изцеляющий.

Радуйся, в печалех скорый помощниче;  
радуйся, в скорбех верный заступниче.

Радуйся, Венедикте, Нурсийский Чудотворче.

*Кондак 4-ый.*

Буря мракобесия хотящая низвергнути тя, досточудне, яко на горе жития святаго стояща, не возмогши противитися силе твоей — сокрушися; мы же чудящися таковой крепости, хвалим тя, поюще: Аллилуия.

*Икос 4-ый.*

Слышаще како высокою праведности уподобился еси горним силам, Отче, умножишася паки спасаемые окрест тя, тем же процвете аки крин пустыня. С ними же и мы дерзаем воспевати ти умиленно:

Радуйся, в светлую ризу безстрастия оболкийся; радуйся, на земли ангельское житие поживый.

Радуйся, пречудне, пути спасения верно наказавый; радуйся, сильно, идолобесие поправый.

Радуйся, меда сладчайши устом пра-

вило начертавый; радуйся, сердце твое, аки зеркало богомыслия явивый.

Радуйся, обитель Троице твой дух сотворивый; радуйся, в похвалу Господню ограду великую создавый.

Радуйся, провидче, проразумением украшенный; радуйся, Преподобне, по воздуху в бедах сущих предваривый.

Радуйся, богомудре, тобою бо научаются вернии; радуйся, богоблаженне, тобою бо спасаются мнози.

Радуйся, Венедикте, Нурсийский Чудотворче.

### *Кондак 5-ый.*

Богоприемный сосуде, Христовой любви всю душу твою привязый, направил еси ума твоего шествие к небесем и аки Моисей воду живу из земли безводней изведый; како не воспоем Христа толику благодать ти даровавшего, зовуще со страхом : Аллилуия.

### *Икос 5-ый.*

Видяще тя, яко садителя чистоты, из

суемудрия изведшаго тмы спасаемых, чтуще любовью святую память твою, вопнем ти сие :

Радуйся, паучины хитрословесныя растерзаяй; радуйся, страху Божию насталяяй.

Радуйся, Ангелов на небеси удививый; радуйся, бесов в преисподней устрашивый.

Радуйся, яко тобою мысленно плененные свободяются; радуйся, яко тобою сынове света услаждаются.

Радуйся, водою умиления напаяющий; радуйся, хлебы благодати подавающий.

Радуйся, столпе световиден блонравия; радуйся, Духа обиталище светозарное.

Радуйся, вертограде цветов благоуханных; радуйся, раю плодов живоподательных.

Радуйся, Венедикте, Нурсийский Чудотворче.

### *Кондак 6-ой.*

Проповедание Христа распеньшагося твоим житием утвердивый, явился еси

молитвенник дерзновенный о душах наших, тем же благочестно тя славим поюще Богу : Аллилуя.

### *Икос 6-ой.*

Возсиявый в Церкви яко светило незаходимое, сокрушил еси, Отче, идолобесие всеусердно, виноград же мысленный Христу возделал еси. Никако разуму сотворенному достигнути величия жития твоего, токмо любовью дерзаем воспевати ти смиренно :

Радуйся, тмы сокрушителю сильный; радуйся, света явителю верный.

Радуйся, Отцев мысленная красотó; радуйся, Преподобных велие удобрение.

Радуйся, уз скорый разрешителю; радуйся, плачущих быстрый утешителю.

Радуйся, в бурных морях утишие ; радуйся, плавающих звездо пресветлая.

Радуйся, древо на истоках водных прозябшее; радуйся, корене молитвы благодатныя.

Радуйся, имени Христова благовоние; радуйся, велений Его исполнение.

Радуйся, Венедикте, Нурсийский Чудотворче.

*Кондак 7-ой.*

Хотяще нечестивии паки погубити тя, богоприятне, брашно предложиша ти ядохносное. Ты же врану подал еси бросити его далече; видяще твоего прозрения силу, со страхом поем Богу : Аллилуия.

*Икос 7-ой.*

Новая гварь в тебе, Отче, тайновидно показася, плоти превыше быв и яко Ангел на земли поживый девства пречуднаго прозябением, благочестивых тако пети возставляещи :

Радуйся, тмы предстателя ярость низложивый; радуйся, Тотилу царя премудро научивый.

Радуйся, в пощении просиявый; радуйся, плоти мудрование умертвивый.

Радуйся, елей во чванце умноживый; радуйся, целений благодать стяжавый.

Радуйся, к животу горнему наставниче; радуйся, великия обители столпе.

Радуйся, миру умерший и со Христом спогребыйся; радуйся, ризу спасения дивно исткавый.

Радуйся, воздержания и кротости мерило; радуйся, чистоты евангельския образе.

Радуйся, Венедикте, Нурсийский Чудотворче.

### *Кондак 8-ой.*

Странен мирови показался еси, славу его, аки прах вменивый, Ангелом собеседник был еси, Венедикте, и тако лику святых сочетаеши, поющих : Аллилуия.

### *Икос 8-ой.*

Всему бо мирови молитвенник явился еси изряден и нищих заступник, реки чудес источивый. Тако песньми потщимся ублажати тя, Преподобне :

Радуйся, яко усередно за ны Бога молиши; радуйся, яко из тмы неразумия изимаеши.

Радуйся, сосуде непреложныя правды; радуйся, свитче благодати Христовыя.

Радуйся, доброе миру благоухание;  
радуйся, пречудное молитвы кадило.

Радуйся, винограде райскаго насаждения;  
радуйся, класе обильный нивы Божией.

Радуйся, луче, тму разсекающий; радуйся,  
лампада любви неугасимая.

Радуйся, яко тобою узы уныния духовнаго спадают;  
радуйся, яко тобою богумудрии веселятся.

Радуйся, Венедикте, Нурсийский Чудотворче.

### *Кондак 9-ый.*

Всякую тварь узрел еси, в лучи едином сияющу во изступлении быв, и душу сестры твоя Преподобная Схоластики в виде голубине восходящу горé и поющу: Аллилуия.

### *Икос 9-ый.*

Ветия многообразныя како изчислити можно суетным помыслом, Отче, твоего преставления, яко уснул еси пре-

богатый — успением блаженным, пред-  
стоя во храме Господу твоему. Сему чу-  
дящися, дерзаем пети ти сице :

Радуйся, яко Господа твоего узрел еси;  
радуйся, яко чудес Его исполнился еси.

Радуйся, яко путь показуеши в горняя;  
радуйся, яко милости подаеши, щедре.

Радуйся, яко лествица показался еси  
неуклонная; радуйся, яко кладязь еси  
мудрости небесная.

Радуйся, яко цевница еси Духа Свята;  
радуйся, яко благодати стамна еси золотая.

Радуйся, в смирение Христово обол-  
кийся; радуйся, славою Его увенчавыйся.

Радуйся, яко тобою благодать Спаса  
нашего восприемлем; радуйся, яко тобою  
терпением Его увязуемся.

Радуйся, Венедикте, Нурсийский Чудо-  
творче.

### *Кондак 10-ый.*

Спасения врази многажды приидоша  
на тя и на братию твою, скрежетанием  
зубным и лаянием ярость показующе;

ты же яко дым без вести сих сотворил еси, не ведущих пети : Аллилуия.

### *Икос 10-ый.*

Стена заступления еси стаду твоему, хвалящему день и ночь Господа, посреде мощи твоя имущему, источающие богато чудес реки, Отче, и просветящие сих непрестанно стопы, поющих сице :

Радуйся, всеблаженне, аки Ангел на земли явивыйся; радуйся, предивне, монахов множество, яко птиц небесных собравый.

Радуйся, кипарисе мироуханный на земли возросший; радуйся, озлобления от многих приявший.

Радуйся, яко елень палимый на источники к Богу потекий; радуйся, силою Христовою дивен явивыйся.

Радуйся, разум непрелестен стяжавый; радуйся, милосердия реку источивый.

Радуйся, нищету духовную возлюбивый; радуйся, богатство непреходящее на небеси собравый.

Радуйся, на высоту востекый добродетель-

телей; радуйся, имей выну милости свещу возженную.

Радуйся, Венедикте, Нурсийский Чудотворче.

*Кондак 11-ый.*

Поющим ти благодати силу показавый, словесныя зари нам облистая, Троицы дом явивыйся, немудрыя умудряяй, вопиющия со смирением: Аллилуия.

*Икос 11-ый.*

Светоявлением богатства горняго исполнен, преставился еси к вышнему граду, богомудре Отче Венедикте, и ныне предстоиши Христу радуяся; темже и мы недостойнии, песньми память твою хвалим зовуще:

Радуйся, человеце Божий, муже желаний райских; радуйся, яко тобою почерпаем источника благодатнаго.

Радуйся, ветхия мудрования отложивый; радуйся, Духа Святаго утешение подающий.

Радуйся, ничтоже паче любви Христо-

вы изволивый; радуйся, яко во плоти ходя видел еси горняя.

Радуйся, хранение выну устом твоим положивый; радуйся, поющих тя к любви Божией возводящий.

Радуйся, слезами пустыню оросивый; радуйся, ю вельми процветшую узревший.

Радуйся, в пучине озлобления сущих изымающий; радуйся, по стезям правды водителю верный.

Радуйся, Венедикте, Нурсийский Чудотворче.

### *Кондак 12-ый.*

Благости Божией, яко сот пчельный меда исполнен, праведности предуготовал еси обитель, приемля с любовию монахов чины, поющих верно : Аллилуя.

### *Икос 12-ый.*

Пение всеумиленное, яко малое приношение прими, Отче пречудне Венедикте, от уст грешных : ничесоже бо достой-

наго сотворихом, но уповающе на Спаса, дающаго ти благодать милосердно воздвигати недостойныя, зовем ти :

Радуйся, огнем печали твоея на земли, радость небесную стяжавый; радуйся, водою слез твоих преобильный дар целений обретший.

Радуйся, яко в смирении твоём сила Божия совершился; радуйся, яко пламенем чистоты твоея пламень греховный побеждается.

Радуйся, яко свеща светом мудрости горней просиявый; радуйся, ум твой в пучину смирения погрузивый.

Радуйся, подвижнице, безмолвие возлюбивый; радуйся, Отче, пшеницею словесною чада твоя напитавый.

Радуйся, Царствия Божия полноту стяжавый; радуйся, утешение богатное скорбящим подающий.

Радуйся, на камени любви Христовыя житие твое утвердивый; радуйся, в вертограде Церкви цветы благоуханныя возрастивый.

Радуйся, Венедикте, Нурсийский Чудотворче.

### Кондак 13-ый.

О преблаженне Отче Венедикте, ничтоже на земли восхотел еси паче любви Христовы; темже и в вышния обители вселивыйся, яко юсо дерзновением ныне предстоиши Богу, за ны недостойныя молися, да любовию горé вперяемы с тобою вкупе поем : Аллилуя.

*(Сей Кондак поем трижды, затем Икос 1-ый : « Ангельский образ » и Кондак 1-ый : « Возбранный Отче »).*





---

IMPRIMÉ EN BELGIQUE  
PAR  
IMPRIMERIE A. ROSSEELS  
RUE DU CANAL 70 - LOUVAIN

---